



Vol. 4 (卷下)

No Known Copyright

Princeton University Library reasonably believes that the Item is not restricted by copyright or related rights, but a conclusive determination could not be made.

You are free to use this Item in any way that is permitted by the copyright and related rights legislation that applies to your use.

Princeton University Library Disclaimer

Princeton University Library claims no copyright governing this digital resource. It is provided for free, on a non-commercial, open-access basis, for fair-use academic and research purposes only. Anyone who claims copyright over any part of these resources and feels that they should not be presented in this manner is invited to contact Princeton University Library, who will in turn consider such concerns and make every effort to respond appropriately. We request that users reproducing this resource cite it according the guidelines described at <http://rbcs.princeton.edu/policies/forms-citation>.

Citation Information

Vol. 4 (卷下)

Contact Information

Download Information


Date Rendered: 2019-09-10 11:50:12 PM UTC

Available Online at: <http://arks.princeton.edu/ark:/88435/sb397d61n>

4

TC83/1848

v.4



扁鵲心書卷下

古神醫盧人扁鵲傳

宋太醫真定竇材重集

大清錢塘胡珏參論

陰莖出膿

此由酒色過度真氣虛耗故血化為膿令人漸漸羸瘦六脉沉細當每日服金液丹霽露湯外敷百花散五六日腹中微痛大便滑小便長忌房事犯之復作若灸關元二百壯則病根去矣

遺滑淋濁無不由酒色之過至于血出可謂劇矣又至化血為膿則腎虛寒而精腐敗非溫補不可更須謹戒若仍不慎必致泄氣而死

腸癰

此由膏粱飲酒太過熱積腸中久則成癰服當歸建中湯自愈若近肛門者用針刺之出膿血而愈此證甲錯腹皮急脹如腫甚者腹脹大轉有水聲或繞臍生瘡若臍間出膿者不治大法以□□為至若膿成而頰

腸痔

此由酒肉飲食太過致經脉解而不收故腸裂而為痔服金液丹可愈外取鼠腐常是婦字蟲十枚研爛攤紙上貼之少刻痛止若老人患此須灸關元二百壯不然腎氣虛毒氣下注則難用藥也□□□咳嗽吐血後

熱陷于大腸多難收功若專于治痔而不顧本原未有不致斃者

膏肓病

人因七情六慾形寒飲冷損傷肺氣令人咳嗽胸膈不利惡寒作熱可服全真丹若服冷藥則重傷肺氣令人胸膈痞悶昏迷上奔口中吐冷水如含冰雪四肢困倦飲食漸減此乃冷氣入于肺中侵於膏肓亦名冷勞先服金液丹除其寒氣再用薑附湯十日可愈或服五膈散撮氣散去肺中冷氣重者灸中府三百壯可愈形寒飲冷之傷初起原不甚深重醫人不明此證誤與涼藥積漸冰堅致成膏肓之疾及至氣奔吐冷寒熱無已不思轉手溫補仍與以滋陰退熱等劑以致不起非是病殺乃醫殺也

治驗

一人暑月飲食冷物傷肺氣致咳嗽胸膈不利先服金液丹百粒泄去一行痛減三分又服五膈散而安但覺常發後五年復大發灸中府穴五百壯方有極臭下氣難聞自後永不再發世醫不審病因動云暑月熱氣傷肺一派寒涼致水氣不消變成大病

噎病

肺喜暖而惡寒若寒氣入肺或生冷所傷又爲庸醫下涼藥冰脫肺氣成膈噎病覺喉中如物塞湯水不能下急灸命關二百壯自然肺氣下降而愈噎病之多死者

皆由咽中堵塞飲食不進醫人畏用熱藥□□□□涼潤取□□□馬能得生□先生灸法甚妙奈人不能信用何哉

又有肺寒一證令人頭微痛多清涕聲啞惡寒肩背拘攣脉微浮緊當服華蓋散重則薑附湯忌冷物此證不可誤認作癆證治故表而出之肺寒之證世醫不識不能用溫散但用桑皮貝母麥冬玉竹等未遷住寒邪做成弱證者多矣

咳嗽

咳嗽多清涕者肺感風寒也華蓋散主之若外感風寒內傷生冷令人胸膈作痞咳而嘔吐五膈散主之咳嗽煩躁者屬腎石膏丸主之大凡咳嗽者忌服涼

藥犯之必變他證忌房事恐變虛勞久咳而額上汗出或四肢有時微冷間發熱困倦者乃勞咳也急灸關元三百壯服金液丹保命丹薑附湯須早治之遲則難救

治咳嗽之法若如先生因證制宜焉有癆瘵不治之患無如醫者輒以芩知桑杏爲要藥致肺氣冰伏脾腎虛敗及至用補又不過以四君六味和平之劑和平之藥與之所謂養殺而已

咳嘔病

此證方書名爲哮喘因天寒飲冷或過食鹽物傷其肺氣故喉常如風吼聲若作勞則氣喘而滿須灸天突穴五十壯重者灸中脘穴五十壯服五膈散或研蚯蚓二條醋調服立愈

哮喘證遇冷則作逢勞則甚審治得當愈亦不難然少有除

根者先生此法甚妙請嘗試之

失血

凡色慾過度或食冷物太過損傷脾肺之氣故令人咯血食前服鍾乳粉金液丹食後服阿膠散而愈若老年多于酒色損傷脾氣則令人吐血損傷腎氣則令人瀉血不早治多死當灸關元三百壯服薑附湯金液丹自愈傷肺氣則血從鼻出名曰肺衄乃上焦熱氣上攻也服金液丹或口含冷水以鬱金末調塗項後及鼻柱上凡肺衄不過數杯如出至升斗者乃腦漏也

當作腦衄爲是

由真氣虛而血妄行急針關元三寸

留二十呼立止再灸關元二百壯服金液丹草神丹

可保失血之證世人所畏而醫人亦多縮手其畏者

原而脫體之難不知能成其原察其因更觀其色辨

其脉或起于形體之勞或成于情志之過由于外感

者易治出于內傷者難痊絡脉與經隨有異經隨重

而絡脉輕肝脾與肺腎不同肺腎難辨而肝脾易荷不

訛其治法雖重難亦可挽回唯在辨別其陰陽權衡

其虛實溫清補瀉各得其宜不可畏其炎酸專尚寒

涼逐漸消伐其生氣而致不可解者比比矣

治驗

一人患腦衄日夜有數升諸藥不效余爲針關元穴入二寸留二十呼問病人曰針下覺熱否曰熱矣乃令吸氣出針其血立止

一法治鼻衄與腦衄神方用赤金打一戒指帶左手無名指上如發作時用右手將戒指捏緊繃住則衄止矣

腎厥

凡人患頭痛百藥不効者乃腎厥服石膏丸黑錫丹則愈此病多酒多色人則有之經云厥成爲巔疾又云少陰不至者厥也

治驗

一人因大惱悲傷得病晝則安靜夜則煩惋不進飲食左手無脉右手沉細世醫以死證論之余曰

此腎厥病也。因寒氣客脾腎二經，灸中脘五十壯，關元五百壯，每日服金液丹四神丹，至七日，左手脉生，少頃大便下青白膿數升許，全安。此由真氣大衰，非藥能治，惟艾火灸之。此證非灸法不愈，非丹藥不効，二者人多不能行，醫人僅用，泛常藥以治，其何能生。

脾勞

人因飲食失節，或吐瀉服涼藥，致脾氣受傷，令人面黃肌瘦，四肢困倦，不思飲食，久則肌肉瘦盡，骨立而死。急灸命關二百壯，服草神金液，甚者必灸關元。先天之原腎是也，後天之本脾是也。人能于此二藏謹攝調養，不使有乖，自然藏府和平，經脉運行，榮衛貫通。

氣血流暢，又何勞病之有？病至于勞，則已極矣。非重溫補，何由得生？虞范溪強立五勞之證，所用皆係溫平涼劑，以此災梨禍棗，實是貽害後人。

腎勞

夫人以脾爲母，以腎爲根。若房事酒色太過，則成腎勞，令人面黑耳焦，筋骨無力，灸關元三百壯，服金液丹可生，遲則不治。

頭痛

風寒頭痛，則發熱惡寒，鼻塞肢節痛，華蓋五膈消風散皆可主。若患頭風兼頭暈者，刺風府穴，不得直下針，恐傷大筋，則昏悶，向左耳橫紋針下入三四分，留

去來二十呼覺頭中熱麻是効若風入太陽則偏頭
風或左或右痛連兩目及齒灸腦空穴二十一壯其
穴在腦後入髮際三寸五分再灸目窗二穴在兩耳
直上一寸五分二十一壯左痛灸左右痛灸右
證候多端治得其法者殊少致爲終身痼疾先生
刺灸二法甚妙無如醫者不知病者畏痛奈何

眼病

肝經壅熱上攻致目生昏翳先服洗肝散數劑後服
撥雲散其翳自去若老年人腎水枯涸不能上榮于
目致雙目昏花漸至昏暗變爲黃色名曰內障服還
睛丹半月目熱上攻勿懼此乃腎氣復生上朝于目

也如覺熱以手掌揉一番光明一番一月間光生復

舊矣

眼科用藥不循紀律祇用一派發散寒涼所謂
眼拉扱是也倘能盡如先生之法而行之天下

喪明者
少矣

治驗

余家女婢忽二目失明視之又無暈翳細思此女
年少精氣未衰何緣得此證良由性急多怒有傷
肝藏故經脈不調而致遂與密蒙花散一料如舊
光明矣

病有萬變醫止一心線索在手頭緒逼
清何懼病體之多端不愁治療之無術

夢泄

凡人夢交而不泄者心腎氣實也夢而卽泄者心腎

氣虛也。此病生于心腎，非藥可治。當用紙撚長八寸，每夜繫繫陰囊，天明解之，自然不泄。若腎氣虛脫，寒精自出者，灸關元六百壯而愈。若人一見女子，精即泄者，乃心腎大虛也。服大丹五兩，甚者灸巨門五十壯。
仲景云：陰寒精自出，瘦削不能行，可知精之不固。由于陽之不密。先生云：腎氣虛脫，寒精自出，則溫補下元為得法矣。世醫苟明此理以治遺精，必不專事寒涼而致人天枉矣。

奔豚

此由腎氣不足，又兼濕氣入客小腸，連臍發痛，或上或下，若豚之奔，或痛連外腎，成疝氣者，服塌氣散、茱萸丸、金鈴子丸，或蟠葱散。
奔豚與疝不同，混淆不得。從小腹而上抵心者，奔豚。

也。從少腹而上逆，口口氣與橫弦口口也。從陰囊而上衝心，膈痛欲死者，衝疝也。從少腹而下連腎區者，小腸與狐疝也是。有差別，不可不審。

肺膈痛

此證因肺虛，氣不下降，寒氣凝結，令人胸膈連背作痛，或嘔吐冷酸水。當服五膈散，自愈。
此證治若失，宜久久必成膈證。

骨縮病

此由腎氣虛憊，腎主骨，腎水既涸，則諸骨皆枯。漸至短縮，治遲則死，須加灸艾，內服丹附之藥，非尋常草木藥所能治也。
凡八年老逐漸矮，其猶骨縮之病乎。

治驗

一人身長五尺因傷酒色漸覺肌肉消瘦予令灸關元三百壯服保元丹一斤自後大便滑小便長飲食漸加肌肉漸生半年如故

此自消瘦與骨縮有間不知何緣附

此中問疑有缺文

手顫病

四肢爲諸陽之本陽氣盛則四肢實實則四體輕便若手足顫搖不能持物者乃真元虛損也常服金液丹五兩薑附湯自愈若灸關元三百壯則病根永去矣

手足顫搖終身痼疾若傷寒初起如是者多難治若過汗傷營而致者宜以重劑扶陽加以神氣昏亂者亦不治

老人便滑

凡人年少過食生冷硬物麪食致冷氣積而不流至晚年脾氣一虛則脇下如水聲有水氣則大便隨下而不禁可服四神丹薑附湯甚者灸命關穴此病須早治遲則多有損人者又脾腎兩虛則小便亦不禁服草神丹五日即可見效

老人大便不禁溫固灸法爲要若連及小便而用草

神丹中有硃砂琥珀恐非其宜

老人口乾氣喘

老人脾虛則氣逆冲上逼肺令人動作便喘切不可用削氣苦寒之藥重傷其脾致成單腹脹之證可服

草神丹金液丹薑附湯而愈甚者灸關元穴腎脉貫肺繫舌本主運行津液上輸於肺若腎氣一虛則不上榮故口常乾燥若不早治死無日矣當灸關元五百壯服延壽丹半斤而愈口乾氣喘係根元虛而津液竭庸醫不思補救猶用降劑苦寒之品不慚自已識力不真而妄掃溫補之非宜及至暴脫更卸過于前藥之誤此輩重臺下品本不足論但惜見者聞者尚不知其謬妄仍奉之如神明重蹈覆轍者不一而足豈不哀哉

耳聾

有爲風寒所襲而聾者有心氣不足而聾者當服一醉膏滾酒下汗出而愈若多酒色人腎虛而致聾蔽者宜先服延壽丹半斤後服一醉膏若實聾則難治

腎開竅于耳又胃之宗氣別走于耳故耳聾一證屬虛者多今言心氣不足而用一醉膏此理未解又云實聾者難治尚俟細參

琦按人于六十外精神強健不減少壯而惟耳重聽乃腎氣固藏之徵多主老壽不須醫治此書所謂若實聾則難治者當是指此一種

氣瘦

若山居人溪澗中有薑理石飲其水令人生瘦瘠服消風散當是消瘦散初者服薑附湯若血瘦血瘤則不可治妄治害人

三蟲

三蟲者蛔蟲蟯蟲寸白蟲也幼時多食生冷硬物及

腥厭之物久之生蟲若多食牛肉則生寸白其蛔蟲長五六寸發則令人心痛吐清水貫心則死寸白蟲如葫蘆子子母相生長二三寸發則令人腹痛蟯蟲細如髮隨氣血周遊遍身出皮膚化爲瘋癩住腹中爲蟯瘕穿大腸爲痔漏俱宜服安蟲散若人穀道痒痛當用輕粉少許服之來日蟲盡下寸白蟲亦能下

治驗

一婦人病腹脹諸藥不効余令解腹視之其皮黃色光如鏡面乃蟯瘕也先炙牛肉一斤令食後用生麻油調輕粉五分服之取下蟯蟲一合如線如

鬚狀後服安蟲散而愈

蠱毒

閩廣之人以諸蠱置一器內令其互相啖食候食盡而獨存者卽蠱也中其毒則面目黃腫心腹脹滿疼痛或吐涎血久則死矣初得時用皂角一挺槌根二兩水煎濃汁二盞臨臥服之次早取下毒物後用以萬歲藤根濕紙裏煨熟每日空心嚼五枚生麻油送下三日毒從大便出凡人至川廣每日飲食宜用銀筯筯白卽無妨筯黑卽有毒也

癰證

有胎痛者在母腹中母受驚驚氣冲胎故生子成疾
發則仆倒口吐涎沫可服延壽丹久而自愈有氣痛
者因惱怒思想而成須灸中脘穴而愈胎痛出于母
腹俗所謂三
搖成痛者也氣痛由于七情故大病後及憂苦人并
縱性貪口腹人率多患此醫書雖有陰陽五藏之分
然皆未得其要而愈者蓋寡先生此
法直中肯綮予用之而獲効者多矣

治驗

一人病痢三年餘灸中脘五十壯即愈

一婦人病痢已十年亦灸中脘五十壯愈○凡人
有此疾惟灸法取効最速藥不及也

瘰癧

此證由憂思惱怒而成蓋少陽之脉循脇繞頸環耳
此即少陽肝膽之氣鬱結而成亦有鼠涎墮食中食
之而生是名鼠瘻治法俱當于瘡頭上灸十五壯以
生麻油調百花膏傅之內服平肝順氣之劑日久自
消切不可用斑貓石灰砒霜之類內經所謂脂脉爲
瘻留連肉腠此風
邪外傷經脉留滯于肉腠之間而爲瘰癧乃外感之
輕者也靈樞經所謂腎藏受傷水毒之氣出于上而
爲鼠瘻失治多至殞
命乃內傷之重者也

婦人

婦人除妊娠外有病多與男子相同但男子以元陽
爲主女子以陰血爲主男子多腎虛爲病女子多衝

任虛爲病，蓋衝爲血海，任主胞胎，血信之行皆由衝。任而來，若一月一次爲無病，愆期者爲虛，不及期者爲實，脉沉細而澇，月信不來者，虛寒也；血崩者，衝任虛脫也；崩者，倒也；白帶者，任脉冷也；任爲胞門，子戶故有此也。發熱減食，皆爲氣血脾胃之虛，不減食止發熱者，心藏虛也。此外疾病治法，皆與男子全。婦人另立一科，原屬無謂。業方脉者不知男女之分，陰陽之異，衝任之原，月信之期，胎孕之病，產乳之疾，者則是走得方小，投之傷鳥，得稱人方哉。

子嗣

婦人血旺氣衰則多子，氣旺血衰則無子。若髮黑面

色光潤，肌膚滑澤，腋隱毛稀，乃氣衰血旺也。主多子。若髮黃面無光彩，肌肉粗澁，腋隱毛多，乃氣旺血衰也。主無子。若交合時，女精先至，男精後衝者，乃血開裏精也。主成男。若男精先至，女精後來者，乃精開裏血也。主成女。若男女精血前後不齊，至者則不成胎。爲子嗣計者，重在擇婦。婦人端莊則生子凝重，交合有節則生子秀美。既生之後，又須選擇乳母，兒吮其乳，習其教導，往往類之先天性情，雖稟于父母而後天體局往往多肖乳母。

血崩

經云：女子二七而天癸至，任脉通，太衝脉盛，月事以時下。若因房事太過，或生育太多，或暴怒內損真氣，

致任脉崩損故血大下卒不可止如山崩之驟也治
宜阿膠湯補宮丸半斤而愈切不可用止血藥恐變
生他病久之一崩不可爲矣若勢來太多其人作暈
急灸石門穴其血立止血崩之證乃先後天衝任經
隧周身之血悉皆不能收持
一時暴下有如山崩水溢不可止遏非重劑參
附補救不能生也間有屬實者當以形證求之

帶下

子宮虛寒濁氣凝結下焦衝任脉卽子官也不得相榮故
腥物時下以補宮丸膠艾湯治之甚者灸胞門子戶
穴各三十壯不獨病愈而且多子帶下之證十有九
患皆由根氣虛而
帶脉不收引然亦有脾虛陷下者有濕濁不清者有
氣虛不攝者有陽虛不固者先生單作子宮虛寒誠

爲卓

乳癰

良由藏氣虛衰血脉凝滯或爲風寒所客着而成癰
矣若陽明蘊熱亦能成此先覺增寒壯熱服救生湯
一劑若遲三五日宜多服取効

胎逆病

妊娠後多干房事或食冷物不消令人吐逆不止下
部出惡物可服金液丹霹靂散卽好胎逆卽惡阻俗
所謂病兒是也
苟能慎起居戒房事節飲食不但無病兒之患而生
子亦多易育若謹攝已當而仍病者是係孕婦體弱
氣血多
虛故耳

午後潮熱

若飲食減少四肢倦怠午後熱者胃氣虛也若起居如常但發煩熱乃胃實心氣盛也服黃草湯五日愈
臍中及下部出膿水

此由真氣虛脫衝任之血不行化為膿水或從臍中或從陰中淋瀝而下不治即死灸石門穴二百壯服金液丹薑附湯愈

臍為神闕穴上脾下腎不可有傷若出膿水先後天之氣泄矣焉得

死不

婦人卒厥

凡無故昏倒乃胃氣閉也灸中脘即愈

貪食多慾之婦多有此證

產後虛勞

生產出血過多或早于房事或早作勞動致損真氣乃成虛勞脉弦而緊咳嗽發熱四肢常冷或咯血吐血灸石門穴三百壯服延壽丹金液丹或鍾乳粉十日減一月安

凡虛勞而其脉弦緊者病已劇矣況在生產而出血過多者乎急投溫補唯恐已遲苟或昧此尚欲滋陰愈無日矣

小兒

小兒純陽其脉行疾一息六七至為率遲冷數熱與大人脉同但小兒之病為乳食所傷者十居其半發熱用平胃散吐瀉用珍珠散頭痛發熱恐是外感用

葦澄茄散穀食不化用丁香丸泄瀉用金液丹

小兒之脈

較之大人固是行疾第累差半至一至爲率若六七至非平脈也平脈而六七至則數脈將八至矣脈至八至非脫而何

驚風

風水太過令人發搐又積熱蓄于胃脘胃氣脅閉亦令卒仆不知人事先服碧霞散吐痰次進知母黃芩湯或青餅子硃砂丸皆可若脾虛發搐或吐瀉後發搐乃慢驚風也灸中脘三十壯服薑附湯而愈

小兒之急

驚慢驚猶大人中風之閉證脫證溫清補瀉審病當而用藥確自無差訛

斑疹

卽痘子

小兒斑疹世皆依錢氏法治之此不必贅但黑泡斑及縮陷等證古今治之未得其法以爲火而用涼藥治者十無一生蓋此乃汚血逆于皮膚凝滯不行久則攻心而死黃帝正法用霹靂湯薑附湯凡多死之證但用此法常有得生者蓋毒血死于各經決無復還之理惟附子健壯峻走十二經絡故用此攻之十中常生八九子臍下一寸灸五十壯則十分無事若以涼藥凝冰其血致徧身青黑而死此其過也世俗凡遇熱證輒以涼藥投之熱氣未去元氣又漓此法最不良余每遇熱證以知母五錢煎服熱卽退元氣

無損此乃秘法錢氏之法後世兒醫咸遵守之以五
為難易不治之條所用之藥不過溫平無奇陽熱之
逆誠可救全陰寒之逆百無一愈其後陳氏雖云得
法十中或救一二不若先生之論闡千古之秘奧為
救逆之神樞兒醫苟能奉行自然天枉者少矣每見
世俗一遇逆證勿論陰陽輒云火閉石膏黃連大黃
用之不厭人皆信之至死不悔近時費氏救偏瑣言
一出庸子輒又奉為典型在證藥相合者雖偶活其
一二而陰寒之證亦以其法治之冤遭毒害者不知
凡幾矣

午後潮熱

小兒午後潮熱不屬虛證乃食傷陽明必腹痛吐逆
宜用來復丹華澄茄散

吐瀉

小兒吐瀉因傷食者用珍珠散因胃寒者用薑附湯
吐瀉脉沉細手足冷者灸臍下一百五十壯慢驚吐
瀉灸中脘五十壯人家肯用薑附小兒亦已幸矣若
斷乎不允只索
托之空言耳

面目浮腫

此證由于冷物傷脾脾虛不能化水穀致寒飲停于
中焦輕者面目浮腫重者連陰囊皆腫服金液丹輕
者五日可愈重者半月全愈當飲軟粥半月硬物忌
之金液丹洵是活命之神藥但世人不識
在大人尚有許多疑慮小兒焉肯用哉
咳嗽

小兒肺寒咳嗽用華蓋散若服涼藥并止咳藥更咳者當服五膈散若咳嗽面目浮腫者服平胃散咳而面赤者上焦有熱也知母黃芩湯咳而面赤屬上焦實熱者宜用知母黃芩若咳甚而面赤兼嘔涎沫者則當以溫補氣血爲宜

瀉瀉

冷氣犯胃故水穀不化大便溏滑甚則脫肛者厚腸散半硫丸主之

腹脹

冷物傷脾則作脹來復丹全真丹皆可用

痢疾

痢因積滯而成者如聖餅化積而愈暑熱所傷下赤而腫者黃連丸腹痛者當歸芍藥湯寒邪客于腸胃下白者薑附湯桃花丸

水瀉

火熱作瀉珍珠散食積作瀉如聖餅感應丸

胎寒腹痛

藏氣虛則生寒寒甚則腹痛亦有胎中變寒而痛者調硫黃粉五分置乳頭令兒吮之卽愈三四歲者服來復丹

下血

暑中于心傳于小腸故大便下血宜當歸建中湯

牙疳

胃脉絡齒榮牙牀胃熱則牙縫出血犀角化毒丸主

之

出局

腎虛則牙齒動搖胃虛則牙牀潰爛急服救

生丹若齒齲黑急灸關元五十壯

牙齒動搖或有知其腎虛者至牙牀

潰爛誰不曰胃火上攻敢服救生丸并灸關元者鮮矣

螻蛄癰

風寒凝于髮際或冷水沐頭小兒頭上生癰麻油調

百花散塗之如腦癰初起亦服救生湯

禿瘡

寒濕客于髮湊浸淫成瘡久之生蟲卽于頭上灸五十壯自愈看其初起者卽是頭也

水沫瘡

小兒腿脰間有瘡若以冷水洗之寒氣浸淫遂成大片甚至不能步履先以葱椒薑洗挹乾又以百花散糝之外以膏藥貼之出盡毒水十日全愈

週身各穴

巨闕

在臍上五寸五分

中脘

在臍上四寸

神闕

在臍中

陰交

在臍下一寸

氣海

在臍下一寸五分

石門

在臍下二寸三分女

青鳥小書

卷下

全

關元 三寸在臍下

天柱 兩旁在一椎下

肺俞 相在三椎旁挾脊各一寸五分

心俞 相在五椎下一寸五分挾脊各

肝俞 相在九椎旁挾脊各一寸五分

脾俞 各在十一椎旁挾脊一寸五分

腎俞 脊在十四椎下去一寸五分

腰俞 椎在二十一椎旁一寸五分

湧泉 在足心

承山 尺在崑崙上一

三里 四穴二在曲池下一寸

食竇 即命關在肘中

中府 肋在乳上三

地倉 一在口旁四分

天突 四寸在結喉中

前頂 寸入髮際四分

上星 髮在鼻上一寸

腦空 在腦後入髮際一寸五分

目窓 當目上一寸五分

風府 入髮際一寸

新編心書
卷下

終

